

عبيدالله بن زياد بن عمر بن سعده يازديغي نامه ايمام حسينه (ع) چتين توتماق باره سينده

عمر بن سعد كربلايه گلندن سونرا ايمام حسينين (ع) يانينا بير نفر گوندردي و سوروشدو نيه بو يوردا گليب و ايمام حسين (ع) جوابيندا ...

عمر بن سعد كربلايه گلندن سونرا ايمام حسينين (ع) يانينا بير نفر گوندردي و سوروشدو نيه بو يوردا گليب و ايمام حسين (ع) جوابيندا بويوردو: منيم بو يوردا گلماغيمين سببي سيزين همشهريلريزين دعوتيدير، كي مينلرجه نامه اينن مني اوزلرينه طرف چاغيرديلا. ايندي منيم يولومون ايدامه وئرمه سي اينن موخاليق اولساز قاييدارام.

عمر بن سعد، ايمام حسين (ع) جواب نامه سين آلاندا سونرا باريشماق و صلحه اومودلي اولدو.

اوندان سونرا ايمام حسين (ع) و عمر بن سعد آراسيندا آيري نامه لر موباديله اولدو و باغيث اولدو اول كي حساسيتلر و دوشمنچي ليقلار آزالسين.

آما يزيد بن معاويه نين كوفه ده كي عاميلي، عبيدالله بن زياد، كي كربلا جرياني و عمر بن سعد بن ايمام حسين (ع) اينن رفتارينا نظارت و ايشرافي واريدي، باريشا و جرياني قانسيز فورتولماسينا حاضير دئييلدي و چاليشيردي بو ايش چتينلشسين.

بونا گوره محرمين يئددى سينده عمر بن سعده بير نامه يازيب اوندان ايسته دي كي ايشي ايمام حسينه (ع) چتين توتسون و اونان فرات چايي آراسيندا فاصيله سالسين و اونلاري فرات چايندان ايستيفاده ائله ماغا قويماسين تا ايمام فيشاردا قاليب تسليم اولسون.

عمر بن سعد كي «ري» شهري نين حكومتينه خاطر هر ايشه حاضيريدي، عبيداللهين امرين فورا يئرته يئتيردي و «عمرو بن حجاج زبيدي» ني بنش يوز نفر سواراي اينن فراتا مامور ائله دي تا ايمام حسينين (ع) كؤمكلريني فراتا ياخين قويماسينلار.

عمر بن سعدي ن قوشونو محرمين يئددى سيندن، فرات سويوندا شيدتلي موراقيب اولدولار تا ايمام حسينين (ع) كؤمكلري اللري سوي چاتماسين.

لاكين اونلارين موغايات اولماقلارينا باخماپاراق ايمام حسينين (ع) كؤمكلري عاشورا گنجه سينه جن قارانليقدان ايستيفاده انديب اوزلريني فرات چاينا چاتديريرديلار و خنيمه لرين سويون تامين ائليديلر. شوجاعته و وفادارليقا مشهور اولان حضرت عباس بن علي، ابوالفضل (ع) خنيمه لره سو چاتديرماقا چوخ چاليشيردي.

لينك مطلب در سايت : <http://torki.tebyan-tabriz.ir/?MID=21&Type=News&id=203>